

Na osnovu člana 26. st. (1) i (2) Zakona o taksi prijevozu u Kantonu Sarajevo (»Službene novine Kantona Sarajevo« br. 11/14, 26/14, 14/16, 14/21 i 16/16-Ispravka, 14/21), Ministarstvo saobraćaja Kantona Sarajevo, objavljuje:

JAVNI POZIV
za dodjelu 6 (šest) dopunskih taksi oznaka za prijevoz lica sa invaliditetom

I – PREDMET JAVNOG POZIVA

Predmet javnog poziva je dodjela 6 (šest) dopunskih taksi oznaka za prijevoz lica sa invaliditetom (u daljem tekstu: dopunska taksi oznaka) i to:

- jedna (1) dopunska taksi oznaka za taksi prijevoznike pravna lica;
- pet (5) dopunskih taksi oznaka za taksi prijevoznike fizička lica.

II – USLOVI ZA PRIJAVU NA JAVNI POZIV

Lice koje se prijavljuje na javni poziv mora ispunjavati sljedeće slove :

da posjeduje profesionalnu sposobnost koja podrazumijeva:

- da je registrovan za obavljanje djelatnosti taksi prijevoza kao osnovne djelatnosti,
- da dostavi izjavu (Prilog 2.) da će u roku od 30 dana od dana objavljivanja rang liste, u slučaju dodjele taksi oznaka po javnom pozivu, izvršiti registraciju za obavljanje djelatnosti taksi prijevoza,
- da podnositelj zahtjeva-pravno lice zapošljava dovoljan broj vozača (broj vozača mora biti veći ili jednak broju vozila za koje posjeduje važeće taksi oznake).

III- DOKAZI O ISPUNJAVANJU USLOVA

Lice koje se prijavljuje na javni poziv mora dostaviti sljedeće dokaze:

- da posjeduje vozilo u vlasništvu ili kupljeno po osnovu ugovora o leasing-u, odnosno da dostavi izjavu (Prilog 1.) da će u roku od 30 dana od objavljivanja rang liste, u slučaju dodjele dopunska taksi oznake, izvršiti nabavku vozila koje je u skladu sa Pravilnika o tehničko-eksploatacionim uslovima za vozila kojim se obavlju pojedine vrste prijevoza (»Službene novine Federacije BiH« broj: 51/06, 79/06 – Ispravka, 11/09, 56/10, 79/11, 49/13 i 27/22), (u daljem tekstu: Pravilnik),
- da ima sjedište/prebivalište na području Kantona Sarajevo,
- da uredno izmiruje obaveze u pogledu plaćanja prihoda,
- da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok mjera traje.

IV –KRITERIJI NA OSNOVU KOJIH SE VRŠI BODOVANJE

Red prvenstva za dodjelu šest dopunskih taksi oznaka za prijevoz lica sa invaliditetom po javnom pozivu, utvrđuje se na osnovu bodova koje lica koja ispunjavaju uslove iz javnog poziva, ostvare prema sljedećim kriterijima:

Pravna lica

- a) registrovana djelatnost taksi prijevoza kao osnovna djelatnost,
- b) iskustvo u obavljanju taksi djelatnosti, dužina vremenskog perioda u mjesecima od dana registracije djelatnosti taksi prijevoza kao osnovne djelatnosti odnosno tj. period za koji pravni subjekt posjeduje minimalno jednu taksi oznaku do dana objave javnog poziva,

- c) posjedovanje važećih taksi oznaka,
- d) posjedovanju vozila za prijevoz lica sa invaliditetom u skladu sa Pravilnikom,
- e) starost vozila,
- f) EURO karakteristikama motora,
- g) pogonskom gorivu vozila.

Fizička lica

- a) registrovana djelatnost taksi prijevoza kao osnovna djelatnost odnosno dostavljena izjava iz Prilog-a 1.
- b) posjedovanje vozila za prijevoz lica sa invaliditetom u skladu sa Pravilnikom o tehničko-eksploatacionim uslovima za vozila kojim se obavlju pojedine vrste prijevoza,
- c) starost vozila,
- d) EURO karakteristikama motora,
- e) pogonskom gorivu vozila,
- f) ako podnositelj zahtjeva ili član užeg domaćinstva (bračni drug, djeca rođena u braku i van braka, usvojena i pastorci, otac, majka, očuh i mačeha) ima status osobe sa invaliditetom.
- g) poznавanja engleskog jezika,
- h) životna dob podnositelja zahtjeva,
- i) broj članova domaćinstva,
- j) dužina prebivanja na području Kantona Sarajevo.

V - DOKUMENTI NA OSNOVU KOJIH SE VRŠI OBRAČUN BODOVA PO KRITERIJIMA

Pravna lica

- tač. 1. i 2., aktuelni izvod iz sudskog registra i obavještenje o razvrstavanju pravnog lica prema klasifikaciji djelatnosti- Federalni zavod za statistiku i službene evidencije o dopunskim taksi oznakama;
- tačka 3., Ministarstvo saobraćaja utvrđuje iz službene evidencije o dopunskim taksi oznakama;
- tačka 4., ukoliko podnosioc zahtjeva posjeduje vozilo dostavlja vlasničku knjižicu, saobraćajnu dozvolu i potvrdu o ispunjavanju tehničko-eksploatacionih uslova za taksi vozilo izdatu od ovlaštene stanice tehničkog pregleda. Ukoliko podnosioc zahtjeva ne posjeduje vozilo dostavlja izjavu iz priloga ovih kriterija (Prilog 1);
- tač. 5., 6. i 7., ukoliko podnosioc zahtjeva posjeduje vozilo dostavlja vlasničku knjižicu, saobraćajnu dozvolu i potvrdu o ispunjavanju tehničko-eksploatacionih uslova za taksi vozilo izdatu od ovlaštene stanice tehničkog pregleda. Ukoliko podnosioc zahtjeva ne posjeduje vozilo dostavlja izjavu iz priloga ovih kriterija (Prilog 1).

Fizička lica

- tačka 1., važeće rješenje/odobrenje za obavljanje taksi prijevoza, odnosno izjavu iz priloga ovih kriterija (Prilog 2.);
- tačk 2., 3., 4. i 5., ukoliko podnosioc zahtjeva posjeduje vozilo dostavlja vlasničku knjižicu, saobraćajnu dozvolu i potvrdu o ispunjavanju tehničko-eksploatacionih uslova za taksi vozilo izdatu od ovlaštene stanice tehničkog pregleda. Ukoliko podnosioc zahtjeva ne posjeduje vozilo dostavlja izjavu iz priloga ovih kriterija (Prilog 1.);
- tačka 6., izvršno rješenje o statusu invalida,
- tačka 7., dokumenti izdati od ovlaštenih institucije za provođenje edukacije/kurs za učenje stranih jezika;
- tačke 8., kopija lične karte ili izvod iz matične knjige rođenih;
- tačka 9., ovjerena kućna lista;
- tačka 10., potvrda o prebivalištu.

VI – POSTUPAK BODOVANJA

Po okončanju roka za podnošenje prijava na Javni poziv za dodjelu dopunskih taksi oznaka za prijevoz lica sa invaliditetom, Komisija za izbor taksi prijevoznika putem javnog poziva (u daljem tekstu: Komisija) koju u skladu sa odredbama člana 29. Zakona o taksi prijevozu u Kantonu Sarajevo (»Službene novine Kantona Sarajevo« broj: 11/14, 26/14, 14/16, 14/21 i 16/16-Ispravka i 14/21) imenuje ministar saobraćaja Kantona Sarajevo, vrši bodovanje taksi prijevoznika koji ispunjavaju uslove iz Javnog poziva i sačinjava preliminarnu rang listu, kao i zasebnu listu koja sadrži podatke o nepotpunim, formalno neispravnim i neblagovremenim prijavama.

Rang lista se objavljuje na web stranici Ministarstva.

Nepotpune i neblagovremene prijave Ministarstvo odbacuje posebnim aktom, na prijedlog Komisije.

Na objavljenu rang listu podnosioci zahtjeva mogu podnijeti prigovor Vladi Kantona Sarajevo u roku od 8 dana od dana objavlјivanja rang liste.

Vlada Kantona Sarajevo po prigovoru rješava u roku od 15 dana od dana njegovog podnošenja i nakon toga Ministarstvo utvrđuje i objavljuje konačnu rang listu.

Na osnovu konačne rang liste, Ministarstvo saobraćaja Kantona Sarajevo donosi privremena rješenja o dodjeli dopunske taksi oznake za prijevoz lica sa invaliditetom, i to prema redoslijedu podnositelja prijava na konačnoj rang listi i broju slobodnih dopunskih taksi oznaka utvrđenom u tački I javnog poziva, a za potrebe registrovanja djelatnosti taksi prijevoznika i pribavljanja potrebne licence za obavljanje djelatnosti taksi prevoza. Po registraciji djelatnosti i dostavi potrebne dokumentacije za pribavljanje potrebne licence, Ministarstvo saobraćaja Kantona Sarajevo će donijeti konačno rješenje o dodjeli dopunskih taksi oznaka za prijevoz lica sa invaliditetom.

VII – ROK I NAČIN PODNOŠENJA PRIJAVA NA JAVNI POZIV

Javni poziv ostaje otvoren petnaest (15) dana, a objaviti će se u Dnevnom listu "Oslobođenje" i na web stranici Ministarstva saobraćaja Kantona Sarajevo.

Prijave na javni poziv sa propisanom dokumentacijom dostavljaju se u zatvorenoj koverti na protokol Kantona Sarajevo ili preporučeno poštom na adresu:

Ministarstvo saobraćaja Kantona Sarajevo
Ul. Reisa Džemaludina Čauševića broj 1, 71000 Sarajevo, Bosna i Hercegovina
sa naznakom:

**„PRIJAVA NA JAVNI POZIV ZA DODJELU DOPUNSKIH TAKSI OZNAKA ZA PRIJEVOZ
LICA SA INVALIDITETOM – NE OTVARATI“**

NAPOMENA: Dokumentacija (koja je propisana ovim javnim pozivom, prilaže se u originalu ili ovjerenoj kopiji.

Broj:04-23-19595/22
Datum: 20.05.2022.godine

